



Na osnovu člana 8. Zakona o izmjenama i dopunama Izbornog zakona Bosne i Hercegovine («Službeni glasnik Bosne i Hercegovine», broj: 20/04), a u vezi sa članom 2.12. stav 7. Izbornog zakona Bosne i Hercegovine («Službeni glasnik Bosne i Hercegovine», broj: 23/01, 7/02, 9/02, 20/02, 25/02 i 52/05) člana 2. Odluke o visini naknade za rad članova izborne komisije osnovne Izborne jedinice u BiH («Službeni glasnik BiH», broj: 37/10 i 41/10) i člana 18. Statuta Općine Maglaj, («Službene novine Općine Maglaj», broj: 8/07, 3/08 i 6/08), Općinsko vijeće Maglaj na svojoj redovnoj sjednici održanoj dana _____2019.godine, donosi

ODLUKU

o visini naknade članovima Općinske izborne komisije za 2019.godinu

Član 1.

Ovom Odlukom utvrđuje se visina naknade članovima Općinske izborne komisije za 2019.godinu.

Član 2.

Mjesečna naknada za predsjednika i članove Općinske izborne komisije utvrđuje se u neto iznosu od po 70,00 KM mjesečno

Član 3.

Utvrđena sredstva iz ove Odluke obezbijedit će se u Budžetu Općine Maglaj za 2019. godinu, razdjel 10, glava 101, Ekonomski kod 614 311 – 122 Općinska izborna komisija.

Član 4.

Za realizaciju Odluke zadužuje se Općinski načelnik i Služba za privredu, finansije i razvoj poduzetništva.

Član 5.

Ova Odluka će se primjenjivati od 01.01.2019.godine i biti će objavljena u «Službenim novinama Općine Maglaj»

O b r a z l o ž e n j e

PRAVNI OSNOV

Pravni osnov za donošenje ove odluke sadržan je u Zakonu o izmjenama i dopunama Izbornog zakona BiH («Službeni glasnik BiH», broj: 20/04), a u vezi sa članom 2.12. Izbornog zakona BiH, kao i u članu 2. Odluke o visini naknade za rad članova Izborne komisije Osnovne izborne jedinice u BiH («Službeni glasnik BiH», broj: 37/10 i 41/10).

RAZLOZI DONOŠENJA

Gore navedenim članom Izbornog zakona utvrđeno je da članovi Općinske izborne komisije imaju pravo na stalnu mjesečnu naknadu za svoj rad. Odluku o visini ove naknade donosi svake godine Općinsko vijeće, odnosno Skupština općine. Odlukom o visini naknade članova Općinskih izbornih komisija je predviđeno da članovi Općinske izborne komisije u «izbornom periodu» imaju pravo na mjesečnu naknadu u visini isplaćenog paušala odbornika, odnosno vijećnika u toj osnovnoj izbornoj jedinici. Istovremeno je utvrđeno da članovi OIK-a imaju pravo na stalnu mjesečnu naknadu za svoj rad u visini od 30% isplaćenog paušala odbornika odnosno vijećnika u toj izbornoj jedinici, za ostali period. Izborni period podrazumijeva period od dana raspisivanja izbora do dana potvrđivanja rezultata izbora.

OBRAZLOŽENJE POJEDINIH ODREDBI

Članom 2. ove odluke utvrđena je naknada za sve članove OIK-a (dakle predsjednik i ostali članovi) u iznosu od po 70,00 KM za neizbornu godinu. Ostalim članovima se regulišu načini i obaveze za realizaciju ove Odluke.

FINANSIJSKA SREDSTVA

Za realizaciju ove Odluke planirana su finansijska sredstva u Budžetu Općine Maglaj za 2019.godinu.

Obradivač
Emina Hasanić, dipl.pravnik

